

Mësses a Oies: dal mertesc, 30 de aurí inant, sarál chësc orar:
mertesc, mercui y jöbia dales 20:00
vëndres, sabeda y domënia dales 16:00

La uniuon dles patrones de Badia organisëia n curs por fá na decoraziun por la festa dla uma. Al vëgn fat 3 röses cun la tecnica dl carciofo (Artischockentechnik). Da se prenoté al nr. 3396870829 (Rita). Le curs vëgn tigní ai 3 de ma te stüa di pauris dales 08.30.

Jun a pe cun le KVW: en mertesc, ai 30 de aurí fajunse la gita sön Ritten (*Maria Saal – St. Verena – Lengstein*). Piun ia dales 07:30 y sciöche dagnara prenotesse pro Iaco al nr. 0471/839772 o 339 625777 o pro Giuvana al nr. 338 2119002.


Le Comun de Badia pita na consulënza debann tl setur dl'energia:

Al vëgn dé respöstes, informaziuns y consëis sön:
ci ch'an pó fá por sparagné energia sc'an ressanëia n'abitaziun o na ciasa;
co ch'an fej da fá sö ciasas o frabicac che consüma pücia energia;
les gaujes ch'al vëgn fora müfa te ciasa y ci ch'an pó fá decuntra;
les poscibilités da trá jö les spëises: le 65% da fá n ressanamënt energetich y le 50% da fá laurs de manutenziun straordinaria.
Vigni mertesc (prüm iade ai 7 de ma) dales 8 ales 12 te Ciasa de Comun. Prenotaziuns tl ofize protocol al nr. 0471/838221.

Curs de ginastica sana 50+ por porsones sura i 50 agn cun Thomas Valentini tla palestra dla Scora Mesana. Vigni jöbia (8 iadi) dales 16:30 ales 17:30 dai 2 de ma inant. L'cost é de 99 € . Prenotesse al nr. 3383078479. Organisaziun: KVW La Ila y US La Ila.

Marcé de patüc de secunda man por mituns; la uniuon di ëi da Lungiarü inviëia düc da gní chësta domënia ai 28 de auri dales 09:00 - 15:30 te salf a Lungiarü.

Cëna cun teater - "Sotissura tl fliher" en sabeda 11 de ma dales 19.30 tl salf dles manifestaziuns a Corvara. Regia de Erika Castlunger. Teater y cëna costa 40,00 €. che vá en benefiziënza al *Auto di dejidérs - Wünschewagen*. Prenotaziuns: Sonia al 349/1588485 cina ai 6 de ma.



Plata dla Ploania

Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: **parrocchiabadia@libero.it**
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „C“ 28.04. – 05.05.2019 2° Domënia de Pasca n. 22

*Tendi la tua mano,
e mettila nel mio fianco;
e non essere incredulo,
ma credente!*



Vangele dla III° Domënia de Pasca - dl Ann "C"

Jan 21,1-14

Te chël tëm্প s'á Gejù ciamó n iade manifesté ai discepu. Chësc ê söl lech de Tiberia y al s'á manifesté a chësta manira. Scimun Pire, Tomesc, nominé Didimus – jomelin –, Natànael da Cana tla Galilea, i fis de Zebedeus y dui d'atri de sü discepu ê impara. Scimun Pire ti á dit a d'ëi: lö vá a pié pësc. Ai ti á dit: I gnun ince nos cun te. Spo ési piá ia y fora y é jüs tla barca. Mo en chë nôt ne n'ai pié nia.

Canch'al gnô bele de, ê Gejù sön spona. I discepu indere ne savô nia ch'al ê Gejù. Gejù ti á dit: Mi mituns, ne n'ëise nia da mangé? Ai ti á respognü: No. Mo ël ti á dit: Sciurede fora la rëi dala pert dërta dla barca, y i abinarëis val'. Ai á sciuré fora la rëi y n'è nia plü bugn da la trá indô ite, tan plëna de pësc êra. Dailó ti á le discepu, a chël che Gejù ti orô bun, dit a Pire: Al é le Signur! Canche Scimun Pire â aldí, ch'al ê le Signur, s'ál ciolé ados le guant da sura ia, deach'al ê desnü y é salté tl lech. I atri discepu ê gnüs do cun la barca tiran do la rëi cun i pësc laíte, deache ai n'è pö nia dalunc dala spona, mâ incër duicënt brac. Canch'ai é spo jüs sön tera frëma, ái odü ia por tera n fuch de borëis y lassura pësc y pan. Gejù ti á dit: Portëdenen ca de chi pësc ch'i ëis dër pié. Dailó é Scimun Pire jü y á trat la rëi fora sön spona. Ara ê implida de cënticincantetrëi de gragn pësc, y scemia ch'al n'è tan tróc, ne se scarzá la rëi nia. Gejù á dit: Gnide ca y mangede! Degügn di discepu ne s'un fidá da le damané: Chê este pa? Deache ai savô ch'al ê le Signur. Gejù é gnü pormez, á tut le pan y ti l'á dé y insciö ince le pësc. Chësc ê bele le terzo iade, che Gejù s'á manifesté ai discepu, do ch'al ê resson dai morc.

FUNZIUNS SACRES

28.04. **2^a DOMËNIA de PASCA - Domènia Blanca**

Domènia dla Divina Misericordia

09.30 Corona por le defunt Carlo Alfreider

10.00 Mëssa por la Comunità

†to Carlo Alfreider - otavare

†to Ilario Valentin – aniversar

por fam. de Rita Adang Valentin

†ti Felice y Maria Flatscher

18.00 †to Pire Valentini - aniversar

†ta Kathi Canins

†ta Maria Pescolderung Dapunt

(*cianta le terzet*)

30.04. Mertesc

19.30 †ta Zilia Declara

†ta Lidia Pedratscher

†ta Anna Alfarei

01.05. Mercui - **S. Ujöp Laurant**

08.00

†ta Maria Piccolruaz de Col d'Anví – aniversar

†ta Waltraud Pizzinini

†ti de Lois y Annelies Valentin

19.30 *Devoziun de ma (arjignada ca dala uniun dles ëles)*

02.05. Jöbia – degüna mëssa

03.05. Vëndres – Prüm vëndres dl mëis

07.30 †to Siegfried Winkler

por na porsona amarada

por les animes dl purgatore

04.05. Sabeda – **S. Florian**

16.00 Mëssa a Oies

19.30 *Devoziun de ma (arjignada ca dala uniun di ëi)*

05.05. **3^a DOMËNIA de PASCA - Kassiansonntag**

S. Florian / Patron di Stüdafüch

10.00 Mëssa por i Stüdafüch cun benedisciun de auti y motors

†to Sepl Tavella

†to siur Heinrich Videsott

15.00 Zelebrazion dl Bato

18.00 †ta Dora Boschetti - aniversar

†to Carlo Alfreider

†ta Cecilia Daprè

Dala VITA dla CÛRA



Mëis de S. Maria: cun en mercui, al prüm de ma, mët man les **“Devoziuns de Ma”** che sará spo vigni lünesc y sabeda dales 19:30. Inviun düc a tó pert.



La proscima **Preparaziun al Bato** sará en sabeda, ai 11 de ma dales 15:00 a Al Plan te calonia. Geniturs che á n pice müt da batié, toc y totes é inviá a tó pert y a se prenoté al nr. 328 0717796.

Ocajiun da se confessé a Oies en vëndres, ai 3 de ma dales 16:30 ales 18:00 cun Siur Tone Fiung.

I Crejimanc cun toc y totes é inviá en sabeda, ai 4 de ma dales 19:30 a na incuntada te Ciasa Runcher.

Bibelrunde cun Siur Sepl Granruaz: se incuntun en lünesc ai 29 de aurí dales 20:15 te calonia de Al Plan (bass ite). Düc é inviá.

Oferta de Carsëma (por i afamá): dër bel giulan dla gran soma de 6.022,56 € (de chisc 126,56 dai scolaris).

L'uniun ëi Val Badia - Kmb inviëia düc i ëi y i jogn ala prozesciun cun linternes o ciandëres (da se tó do) en lünesc ai 13 de ma dales 21:00 da Porsenú (Aquarena) a Neustift olache al sará la mëssa. I interessá dess se anunzié pro le surastant dl paisc o pro Salvester (nr. 333 7247516) cina ai 10 de ma. Al sará na coriera dala Val Badia.

Prozesciun por Vocaziuns a Oies: tolede pert en domènia ai 12 de ma dales 14:00.

Festa di iubilars: lasciun bel sëgn alsavëi che ala gnará tignida la domènia, ai 20 de otober.



En sabeda, ai 04.05.2019 complësc **Caterina Anvidalfarei Bertoldi** da S. Linert la bele eté de **90** agn. Le Senioreclub y düt la Comunità ti aoda düt le bun y benedisciun de Dî.